



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CXII. Notizen über Beraubungen, welche das Kloster Himmelpfort durch
Märkische Unterthanen erlitten, aus der ersten Hälfte des 15.
Jahrhunderts.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

CXII. Notizen über Beraubungen, welche das Kloster Himmelfort durch Märkische Unterthanen erlitten, aus der ersten Hälfte des 15. Jahrhunderts.

Desser nascreuen schade js gescheen dem godeshuse to der hemmelporten bynnen der herren frede.

Dem Clostere thu der hemmelporten. Olde claws vnd Peter czerneko hebben genomen dem Abde twe ride perde geachte XX sex. gr. Item llll perde vt vnsem holtwagen, dy IX sex. werdich weren, dessen schaden hebben sy vns gedan van vretstorp vnd van rynsberg. Item ll perde vt vnsem holtwagen, dy quemen to Rynsberg, dar was Malchow mede vnd gerke luderitz. Item ludeke warnstede met fynen helpere nam vns eyn perd vnd sneet vns dy mether uyffe af van vnsem groten visscher garne. Item Malchow, dy des greuen ghelynde was vnd ok fyn man js, nam vnsem visscher mestere eyn perd. Ok halp hy dry perde nemen by nachte jn dessem wynter vt vnsem clostere. Desse benomede schade js vnsem clostere gescheen bynnen drudehaluen jare.

Thu Karstauel Dy houetlude van vretstorp, van Rynsberg vnd des bisschopps man van dem Czechelyn vnd van wiffstok met oren helpere hebben dar nomen van dem kerkhoue XXXlll grote houede an perden, offen vnd koyen des nu tor dem ofte vir jar werden, Item IX perde des nu an des hilgen lichaams auende dry jar werden, Item dar na in der meyneweken dy zuluen puchten den kerkhof by nachte vnd schoten eyne man vnd nemen dar van XIX grote houede an perden, offen, koyen vnd hufrede. Item dy zuluen dar dy gans mede was vnd dy van stendel nemen van dem kerkhoue ll offen vnd hufrede, des nu to pyngelsten twe Jar wert vnd hebben vns dat Dorp so vorwulfet.

Tho olden Thyemen Claws koningesmark van vretstorp vnd des Bysscoppes man van den Czechelyn vnd van wiffstok met oren helpere hebben nomen IX grote houede an perden vnd offen, des nu jn dem herueste dry jar werden. Item dar na in dem roggen ofte nemen dar ok dy zuluen XXXll grote houede an offen vnd koyen.

To Nyen tyemen. Item dy zuluen jn dem zuluen oefte tho twen tyden bynnen vir weken nemen zy dar LX grote houede an perden, offen, koyen vnd flugen eyne man doed. Also hebben sy den godeshuse dy twe dorperken vorwulfet.

Tho Ruthenberg. Olde claws vnd peter czerneko hebben dar nomen vir perde bynnen twen jaren, dat hebben sy dan van vretstorp vnd van Rynsberg. Item llll offen, dy hening valkenberg brachte to frentzen van Alen to ryngenwolde.

To Krunbeke. Henning gloden van lubbenow by stratzeborg heft met fynen helpere bynnen twen jaren dar nomen XXlllll perde.

Tho Vlotow. Liburius van Stegelitz het dar nomen XL perde, IX koye vnd XII swyn des werden jn dessem herueste dry Jar. Item hans van Arnym nam dar van dem kerkhoue vnd vt den hufen an klederen vnd an hufrede geachtet beter wen hondert mark vynkenogen.

Nach gleichzeitiger Notiz.